

PROMOCIÓN ESO

Acadará a promoción dun curso a outro o alumnado que superase as materias ou ámbitos cursados ou teña avaliación negativa nunha ou dúas materias, considerándose para o cómputo as materias non superadas do propio curso e as de cursos anteriores.

Ademais de nos casos anteriores, o equipo docente poderá decidir a promoción dunha alumna ou dun alumno, sempre que se cumpran tamén todas as condicións seguintes:

- a) Que a media aritmética das cualificacións obtidas en todas as materias e en todos os ámbitos en que estea matriculada ou matriculado nese ano académico sexa igual ou superior acinco.
- b) Que a suma dos periodos lectivos semanais establecidos no anexo IV do Decreto 156/2022, de 15 de setembro, das materias ou dos ámbitos con avaliación negativa non sexa superior a dez. A estes efectos, non se considerarán as materias pendentes de cursos anteriores nin as horas de libre disposición.
- c) Que o equipo docente considere que as materias ou os ámbitos non superados lle permite seguir con éxito o curso seguinte.
- d) Que o equipo docente considere que ten expectativas favorables de recuperación.
- e) Que o equipo docente considere que a devandita promoción beneficiará a súa evolución académica.

TITULACIÓN ESO

Obterá o título de graduado en Educación Secundaria Obrigatoria o alumnado que supere todas as materias ou os ámbitos cursados.

Ademais, o equipo docente poderá decidir a obtención do título sempre que se cumpran tamén *todas* as seguintes condicións:

- a) Que a media aritmética das cualificacións obtidas en todas as materias e os ámbitos en que estea matriculada/o nese ano sexa igualou superior a cinco.
- b) Que a xuízo do equipo docente a alumna/o adquirise as competencias establecidas.
- c) Que a xuízo do equipo docente a alumna/o alcanzase os obxectivos da etapa.

CRITERIOS PARA A CONCESIÓN DA MATRÍCULA DE HONRA NA ESO

Determinase que as matriculas de honra de 4º de ESO en caso de empate e superación do 5% asignaranse tendo en conta a media de cualificacións de 4º da ESO e, en caso de empate, decidírase conforme ás notas de 3º, 2º e 1º da ESO, sucesivamente.

PROMOCIÓN A SEGUNDO CURSO DE BACHARELATO

As alumnas e os alumnos acadarán a promoción de primeiro a segundo de bacharelato cando superen as materias cursadas ou teñan avaliación negativa en dúas materias como máximo.

Para os efectos deste punto, só se computarán as materias en que estea matriculado a alumna ou alumno.

TÍTULO DE BACHARELATO

Para obter o título o alumnado debe superar todas as materias dos dous cursos de bacharelato.

Excepcionalmente, o equipo docente poderá decidir a obtención do título de bacharelato dun alumno/a que superase todas as materias menos unha, sempre que se cumpran *todas* as seguintes condicións:

- a) Que o equipo docente considere que a alumna/o alcanzou as competencias e obxectivos do título.
- b) Que non se produciu unha inasistencia continuada e non xustificada por parte do/a alumno/a na materia. Enténdese como inasistencia continuada faltar ao 10% das clases da materia suspensa sen estar xustificadas polo titor de acordo as NOF do centro.
- c) Que a alumna/o se presentou ás probas e realizou as actividades necesarias para a súa avaliación, incluídas as da convocatoria extraordinaria
- d) Que a media aritmética das cualificacións obtidas en todas as materias da etapa cursadas que, como mínimo se requiran para a obtención do título pola modalidade ou vía pola que se remata, sexa igual ou superior a 5. Para os efectos de este cálculo, considerarase a nota numérica obtida na materia non superada.

OBTENCIÓN DO TÍTULO DE BACHAREL POLO RÉXIME DE PERSOAS ADULTAS

1. As alumnas e os alumnos que cursen o bacharelato polo réxime para persoas adultas obterán o título sempre que obtivesen avaliación positiva en todas as materias dos dous cursos de bacharelato, ou en todas as materias agás unha. Neste último caso, deberanse reunir as condicións seguintes:

a) Que o equipo docente considere que a alumna ou o alumno alcanzou as competencias e os obxectivos vinculados a ese título.

b) Que non se produciu un abandono da materia por parte da alumna ou do alumno. Enténdese por abandono a inasistencia inxustificada ao 30% ou máis das clases da materia non superada.

c) Que a alumna ou o alumno se presentou a todas as probas e realizou todas as actividades necesarias para a súa avaliación, incluídas as da convocatoria extraordinaria.

d) Que a media aritmética das cualificacións obtidas en todas as materias da etapa sexa igual ou superior a cinco

CRITERIOS PARA A CONCESIÓN DA MATRÍCULA DE HONRA NO BACHARELATO

En caso de empate na nota media de 2º curso e superación do 5% asignaranse segundo os seguintes criterios de aplicación sucesiva en caso de persistencia no empate:

1º Maior nota media no bacharelato

2º Maior número de cualificacións 10 en 2º curso de bacharelato

3º Maior número de cualificacións 10 en todo o bacharelato

4º Maior número de cualificacións 9 en todo o bacharelato